



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 16. Ludi sœculares celebrantur in Hispanorum urbibus.

**urn:nbn:de:hbz:466:1-38528**

lestem Jerusalem placidè evocare. In ultimo agone rogatus num lubens moreretur: *Quidni, inquit, si mors est ad vitam aeternam via?* atque hæc fuit ultima vox morientis.

## CAPUT

XV.  
In aliis Col-  
legiis res  
geitæ nar-  
rantur.

*Excusio ad  
Planos.*

*Pertinax ca-  
stigatur.*

*Mulier in  
peccato mo-  
ritus.*

*Jux-  
ta.*

*Liberalitas  
caelitus re-  
penfa.*

*Franciscus  
Gonzales  
Pachoni vo-  
catio.*

*Pueri exem-  
plum nida.*

*Maria Vir-  
go submu-  
diuum impe-  
ditu.*

## CAPUT

XVI.  
Ludi secu-  
lares cele-  
brantur in  
Hispanoru-  
urbibus.

*Legitimè.*

**A**B Rioccensibus Sociis ad Planos fructuosè excusum est. Planis in minimè planis, & toto fermè anno nivibus opertis locis habitant. Ad eos itur per ardua montium juga: extremam corporum egestatem patiuntur, vix corum aliqui ruguria habent, sub diò, aut in antris passim vivunt. Animarum indigèntia periculosis illis, quā corporum est: nam antequam Didacus Boroa eò Socios mitteret, quinque integris annis Sacrorum subdicio caruerant. Ex inculto hoc & vepribus horrente solo, multi lætæ segetis manipuli collecti sunt, adhibitâ gnaviter sacramentorum falce. Ex excusoribus unus accersitum miserat Indum hominem è tuguriolo aliquantum distante, ut cum Divinorum mysteriorum participem faceret: venit ille, sed nescio quā de causâ, benè monenti reluctans, eò unde venerat cum peccatorum pondere rediit, in redditu equus, quo vehebatur, ac si continuati ponderis impatiens esset, infessorem excusit, quo casu miser sibi brachia & cura fregit, exemplo docturus periculosum esse contra Dei, per suos præcones vocantis, stimulos calcitrare. Gravior etiam fuit Indæ mulieris casus, quæ post quā turpissem libidinibus diu fræna laxasset, nec se fineret aut conscientiæ mortificatione, aut cœlesti per verbi Divini præcones admonitione, ab effræni cursu fisti, tandem in ipsa peccati turpissem actione vitâ drepentè privata est; sceleris confusio ad meliora converso. In Collegio Boni-aëris Rector injunxerat, ut toties quoties aliquid opis egeni flagitarent, illico præberetur, nullique oleum, vinum & triticum denegaretur. Quam liberalitatem rependit Deus novis beneficiis: nam cùm ex continua largitionibus oleum, vinum, & triticum deficeret expiarent, movit quorundam civium animos, ut tantum earum rerum ad Collegium mitterent, quantum economicis rationibus novisque largitionibus sufficeret. Quibus accessit donatio novem millium aureorum facta ab Francisco Gonzales Pachono, paulò antè mortem in Societatem nostram recepto. In hoc portu, uti in universis hujus Provinciæ sedibus factitur, solent Socii, maximè Jejunii tempore ingruente nocte, narratione alicujus patheticæ historiæ animos auditorum ad Dei timorem & voluntariam castigationem aliumve pium affectum excitare; cui rei, curiositatem agit, quā pietate ductus, cùm interfuisset vir primarius, vidisser que puerum sexennio minorem, & alterum septennio non majorem, humeros suos flagellis scarificasse, non pueriliter; ita permotus est, ut affereret se sine pudore ferre non posse, pueros sexennes in innocentes humeros tam severè animadvertere, improbamque ipse cutem genialiter cūrare: ex eoque ad severiora converti cœpit. Ibidem suspedio ærumnosissimæ vitæ, quam ducebat, finem querere destinabat non-nemo, & jam resti collum innodarat, quando drepentè è loco, in quo violentam mortem sibi machinabatur, deturbatus, vidit ponè ic Dei Matrem, cui quotidie corollam ex rosario piè innectebat, eoque spectaculo recreatus, à proposito cessavit, & conceptum crimen apud nos purgatum venit. Sed ab nimis seriis luctis tantisper animum averttere, & spectaculo ludorum pro instauratione primi nostræ Societatis sæculi institutorum tantisper accommodare.

**I**N exorno primo Societatis sæculo Romani Socii toti mundo prævivere exemplo, Barberinorum munificentia & pietate. Europa sequenti anno Romam imitata, & forsitan alicubi ad invidiam Dominæ suæ posteros excitavit pristinæ ostentatione virtutis. Nos tandem, mundi nuper noti incolæ, eadem sacra fecimus, non ideo illegitima, quia centesimo secundo anno post natam Societatem indicta. Nam ut eruditè annotant Chronologistæ, Sem post diluvium, cùm genuit Arphaxad, centum annorum suisse dicitur, & tamen constat ex computatione temporum centum & duorum annorum suisse. Binarium nempè, utpote minutum, in tanto numero non curavit Moïses, & nos etiam tanto authore silebimus,

atque

atque sine additamento binarii centenarium celebrasse dicemur, non quidem pari cum Roma maiestate, non tanto sumptu quanto Hispania, minori ingenio & alacritate quam Gallia, jejunius quam Germania, minus eruditè quam Belgium; sed non minori pietate, non frigidiori voluntate, nec conatu dispati. Corduba, Provinciæ caput, octonus dies lucem Divo Ignatio sacram subsequentes celebrando centenario elegit, civibus propensissimis animis operas & apparatus conferentibus. Solemnis supplicantum ordo per plateas Holofericis vestibus, arcubus triumphalibus, & altaribus opiparis exornatas, processit. Concio habita ab Illustrissimo Tucumanensi Episcopo docta, & tota in laudem Societatis concinnata. Ex arte vibrati ignes. Columna in concursu quatuor platearum Divo Ignatio erecta, ex qua ipse cannâ missili ignem artificiosè in remotam hydram gigantemque ejaculabatur, pullulante hæretism, & infidelitatem ab ipso vietam docebat. Interloquutores in scenam produkti. Festis ignibus coronata turris: ludi equestris instituti. Nec infima laus ingeniorum fuit, Orationibus & Poëmatibus nostræ Societatis laudes decantantium: quæ post sæculum, integra dicta est; quia ut juventus aquilæ toties renovata, in senio incorrupta, quia putrida membra semper ressecuerat. Ideo in ore omnium maxima, quia professa est semper se esse minimam. Tori mundo nota, quia latè semper voluerat. Post infinita prælia victrix, quia bella Domini semper pugnaverat. Eò vegetior, quod proprii sanguinis prodigi magis. Eò doctior, quod liberalius doctrinam profuderat. Eò honoratior, quod constantius omnes honores respuerat. Hæretorum terror, quia amica veritatis. Barbarorum amor, quia magistra humanitatis. Dæmonum odium, quia prædatrix animarum: & alia id genus Societatis singulares res complectentia. Collegium Boni-aëris etiam supplicationem instituit, qualis illo loco nulla antea nec cultu frequentiâ hominum, nec pietatis religionisque specie visa unquam est celebrior. Et quia Societas nostra à Christi Corporis veneratione sumpsit incrementum, in hujus honorem ludi facti sunt, in quibus nihil ad apparatus desideratum est. Currus musici & triumphales per urbem ducti. Inter res ingeniosissimæ inventionis productas, una omnem exspectationem superavit. Pueri primæ Litteraturæ candidati, per decades distributi, Gigantomacho dæmoni ludibundi insultabant, fractas ipsius vires ab Divo Ignatio & ejus successoribus dictitantes. Idem præstabant Indi & Æthiopes circum specie ferocissimum dæmonem saltantes, & ope Societatis imbellem factum concincentes. Nec alia Collegia officio suo defuere, quæque pro se amorem erga Matrem suam ostendere conantia. Quin & fides apud Indos positæ pro modulo sæculum nostrum celebrarunt.

**D**ixi Francisci Xaverii colonia ad Urvaicam posita festivitati dedit initium. Evocati ex omnibus Paranæ & Urvaicæ oppidis Socii, & oppidorum primores, variis hilitorum imitamentis excepti sunt. Profestum celebre fuit decantatis melodice vesperis; nox ignibus festivis claruit. Dies arcus triumphales, altaria extemporalia, multi generis choreas, & ludicas exercitationes ingeniosâ varietate videntur. Sacro sancta Eucharistia diu sub umbellâ exposta patuit. Latinæ & Guarane declamatum planè eleganter. Pomeridiano tempore Mbororeenses advenæ comicam scenam dederunt, in quam Mamaluci consilia de depopulatione faciendâ agitantes, actu præliantes, ignominiosè cœsi, fugati, punitiq; industi sunt. Interjequo tempore altera ad Urvaicam Societatis colonia, pro centenario nostro ornando, coram iisdem utriusque fluminis advenis multa exhibuit lœtitiae singularis signa, inter quæ sexcentos omnino arcus, quales in triumphis fieri solent, excitavit, & ex hemicyclis res omnis generis in gratitudinis symbolum appendebunt. Ad Paranam eadem fuit Neophytorum erga Societatem institutricem suam gratitudo, coram evocatis Patribus & Indis ex variis oppidis, armilustrium institutum est. Choreæ à militibus habitæ, quorum singuli litteras singulas nominis Ignatii in clypeo præferentes, præcogitatâ felicitate anagrammaticè ejusdem titulos efficiebant. Post alia multa, sub noctem pugna navalis præludentibus innumeris facibus exhibita, celebritatem inibi terminavit. Suam paulò post inchoavit

Corduba  
præit exem-  
pli.

Societatis  
encomia.

Collegii Bo-  
ni-aëris pia  
exercitio.

**CAPUT**  
**XVII.**  
Ab Indis So-  
cietas pri-  
mum sæcu-  
lum- etiam  
exornatum.

In S. Xaverii  
oppido.

Et alibi.

Itapna.